

永樂大典

一

卷七千六百五十

永樂大典卷之七千六百五十一 十八陽

黃

黃自信

宋林希逸竹溪集墓誌銘 永陽龍興黃莘叟遜齋糾曹公之次子也諱自信與其兄某同事樂軒陳先生以見稱早歲有場屋聲亦嘗走江湖矣交游甚衆諸老頗許之中年喜學詩畫焚他業築室以適軒名日夕吟詠其間暇則焚香鼓琴有蕭然自得之趣雖先世著聲華或自視漠如也生平守師學鄙夷流俗緇黃占卜之事至死不變潛心經典大抵以詩發之故有適軒吟藁紀行游湘游岳諸集余嘗及見其半為之跋矣今存者一千六十八首無非翰寫已意略不蹈踐古人前死知其學力也咸淳己巳三月六日終於寢春秋七十有二其年五月十六日葬蕪山弟某求乞銘曰君垂歿所為也余少因樂軒翁識君父子於漢上紉曹南游初程也于時君兄弟如玉雪人皆以遠業期之今止兩傷哉余初記蕪山又銘村齋墓今又銘君俯仰五十年如一瞬自感今懷昔能不慨然遂磨一食馬之銘君娶陳氏先君卒三十年子一人

永樂大典卷之七千六百五十一

公裕其世次見村齋銘茲不重出銘曰 得於師者正得於天者高不耽於進其適者曠不美何欠不來何遺時於人者多我以銘之何

黃鍾

宋陳元晉漁野類葉墓誌銘 余乙亥丙子間開門受徒黃朝瑞來學與之游居覺其氣質凝重課試文字亦穩律余心喜之從容叩其疇昔從誰學則起而曰家君少為學胡公元衡為郡文學時以巨題試諸生家君以詩出奇押窄韻得句為首選經史子集皆手自點勘病時文之典則取省監程文數十篇鈔黃批抹皆有闕疑日夜為朝瑞講說然嘗恨夙無師承凡所造悟皆心自尋繹得之憮然不自以為足故造朝瑞從先生游余乃知南溪為人大學如此後二十有七年其孫鱗卿補克大學弟子負又見其鄉人為余言鱗卿年五六歲入小學周夫人憐其幼公曰子弟凡事皆可進惟讀書一事不厭早扶藹左右觸事轉誨之所以教鱗卿者猶所以教朝瑞也既入上庠人以為南溪種學種德之報南溪方進鱗卿而誨之曰大學多士所聚重厚淳薄色色有之汝往取友必端毋詭隨進學必力毋自畫余益知南溪有識趣如此壬寅十月六日則聞公死吳得年七十有二越二年甲辰十二月十六日壬午朝瑞奉公柩葬于所居南二里大池原先塋之右鱗卿狀公之行實來曰鱗卿父子事

先生有年矣知先祖莫先生若乞賜之銘余不能辭公諱鍾字考遠鄉人稱之爲南溪先生曾祖某祖某父某以孝弟力田世其家公幼穎悟不群嗜學如飴至天地理曆星老子釋官小說之書無不通解對客口誦至數百言不休風簷燈檠頭細字雖晚年猶把玩不倦鄉舉勸分立政郡每按公董視取于多寡一折以理富者樂於輸貧者安於釋上下晏然如鶉歲庚寅之寇臨川崇仁爲震大家奔道遠徒鄉社所在嗚呼公曉以理法無以保伍道亂萌鋤究孽環公鄉數十里恃以無恐事平有籍以補授者公不以爲功也他如去里胥之盡與陂池之利訟平其爭後寬其期凡可以利泉及物者助勞畢力不憚然皆出於中心之誠然非干譽非要利其接姻戚交鄉鄰中無城府外無戢級懇懇憫個人亦樂親之或以非意相干笑談排遣無藏怒無宿怨人之有善稱之不容口聞人過失必爲掩覆隱匿且曰傳說未必爾鄉里稱善人非耶娶周氏子男二人長即朝瑞次朝美先公兩年卒女一人胡彌大其婿也孫男六人德鄉次即鱗鄉翼鄉鯉鄉新鄉翔鄉女三人長歸傅夢得餘幼銘曰 教行於家庭行慕於其身在其子孫尚通觀其有成

永樂大典卷七十六百五十一

黃虎

宋吳泳鶴林集墓誌銘 諸暨會稽大縣也黃邑著姓也虎公名于文其字也憲宋氏曾大父母也瑞贈忠訓郎吳贈孺人大父母也祖登仕皇考也曾氏皇妣也生而穎悟莊重如成人公之幼也刻苦植學取友四方遂登戊辰進士第公之壯也調歸安尉主簿安簿司嘗川歎知永嘉丞歸安以憂永嘉以病俱不赴歷任雖四而僅言六考公所閱官也唱第授初秩薦舉陞從政覃恩轉大林致仕改宣教統褐裘三十年浮沉遇調至若告老始得通直公所積階也淳安賦籍漫不可考史因爲姦已翰者復催公私交病公曰勾稽吾職也出納有令銷印有時邑計始裕吏無所措手而民安之乃相邑長大銜鄉校群士之秀者肄業于中士競興學登於俊造者駢首焉多追其去也民懷公之惠士德公之教譽留祖錢充于道周此公之所以供薄正也安吉獄市放紛園扉無茂草公素明審味心誠求之之訓有隸于刑者臣身親之覓得其情則曰此所謂庶幾之不辜也盛夏給水漿隆冬給衣被病則藥之死則瘞之流徙則計道里遠近資之皆取諸饋廉雖行榜榜掠之餘無怨言此公之所以爲司理參軍也平居燕處每有常度家人不見其墮谷訓子弟如嚴師待交友如同氣恤鄉鄰如家人里之孤貧者嫁娶之如子女凶年飢歲以賑以貸

泥涂斷港必覓必梁故邑無流砂而行者不病涉此公之處鄉也自安吉罷歸屏居丘園十年不調以書史自娛邑多佳山水暇日與親朋盤食棹酒游適其間神氣冲澹一毫無榮進意端平更化今參預鄭公於公為同年並稱其賢欲薦進之而公倦游之志已弗可奪一日謂其子曰窮達命也吾未六十非不堪事諸公貴人非不我知然此心已在泉石間矣明日遂上章致其事越三年而後卒此公之知命也甲子三百四十公所享年也丙午三月十三卒之年月日也是年十一月朔葬之日也邑之高額公所藏也楊氏先公二十七卒元妃也陳氏後公四旬改繼室也嗣孫免解進士子也許適衛州教授周備女也狀其世系行誼年者廬陵通守林宋偉也介參預鄭公之命俾誌其墓而為之銘者同年生澧川吳某也銘曰 耨之易而未獲兮築之勤而未落兮高山之陰陰已合莫兮

黃振龍

宋黃勉齋集行狀 君諱振龍字仲玉姓黃氏九世祖自先之國始從王氏入閩因仕焉居言路有直聲後遷至中丞子孫散處有居福州城東者至五世祖亨有厚德自奉薄喜施予鄉閭感之號為長者曾祖諱祖鈞父行知自亨以來皆能繼其家聲故今稱長者

未樂大典卷七千六百五十一

三

不絕城東之黃雖未有顯者然過其閭者慕其德仕其鄉者亦聞其名而敬之君天性純厚襟懷坦夷樂於為善聞不善則毅然惟恐說已其勇有不可及者接物無崖岸與人交久而愈篤赴人之急風雨寒暑不避輕財重誼親故之貧者周之無秋毫無吝意人有疾病力能療之雖貧下危為必以身親之無厭倦之色親屬隣里事有難決即君謀之為之委曲剖折納之義理不可則面折之未嘗有所遷就畏避也少力學自奮為舉子業必根極理致不為浮靡徇俗歲大比真舍人德秀見其文奇之擢之前列自是切磋往復遂為深交嘗曰三山士友為實不相負者吾仲玉也晚益收歛為己慨然以歲月進莫後志俗學為恨日以論語孟子自課端居莊誦既入博觀先賢遺言左右探索意味有得輒忘寢食至朱文公端莊存養獨觀昭曠之原年事既高若不着緊用工恐歲月悠悠之語揚然有感書之坐右以自警深悼少年之不及親師取友也由是益加人一已百之功聞四方賢者必使其子學焉聚伊洛諸書課其子以講習君天資既美至其知學則益自力於脩身齊家之實行故其一門之中勤守禮法相勉以善內外雍睦人無間言鄉鄰之志於學者莫不善從君遊觀感磨厲以共扶斯道而君沒矣蓋莫不失聲墮淚為之號慟也君疾革命取新衣易

永樂大典

卷七六五一

之家方環立侍疾君整襟肅容呼其子曰養吾疾者莫若子男子不死於婦人之手婦人退又曰我死謹毋用浮屠法不無是使我不得正其終也若之學既行於妻子又嘗以朱文公家禮帥其家使人守之故其治喪奉君之治命惟謹君以嘉定己卯七月甲寅終于正寢享年五十有一娶潘氏子男二人朴太學生格業進士女二人長許適進士潘公炳次先卒孫男一人壽老將以是年十月二十二日葬于湖縣橫嶼山之原二子以君之行不可無述也固以請幹與君交最晚於里巷交遊間知君之行最詳既喜其稟姿之粹務學之實其於死生之際又能不溺於兒女繫戀之情夷狄荒幻之教而乎於家人者又如此因其家以驗其行即其終以信其平昔是不可使之泯泯無聲以并來人遂述其梗槩俾求銘於當世之君子謹狀末真西山集墓誌銘 始予考大比試于三山得閩邑人黃仲玉文卷於衆百人中獨平澹有理趣曰是必佳士既訖事人爲予言此城東黃氏子其家以長者名數世矣明年予入連率幕府仲玉升堂拜予親自是日與之游見其标瞻瞭然襟抱豁然聞人善不翅如在己親若故有窶貧者矜之無不至鄰里有疾苟力所可拯雖貧賤困焉必以身親之與人謀忠而盡於是知君不惟文藝可觀而行誼之美益稱其爲長者家也

永樂大典卷七六五十一

四

又明年予遂登朝聞之士病於計偕之員狹也凡能操觚吮墨者鮮不奔走求牒於四方予官中都八年力能爲君營一試而君倪首鄉貢寧數不利未嘗肯予謁又以知君於得喪澹然有君子之風也君自少銳于學晚益喟然以未聞道爲憂日以論孟自課既又博觀先賢遺言左右探索意有所得輒欣然忘食至朱文公端莊存養之說嘿契于心大書座右以自警勉齋黃公幹文公之高弟弟子也君驟從之游請所未悟黃公並稱之謂其可與適道者又益知君不以行義自多而用力於學必求詣其極而後止也未幾得疾以嘉定十二年七月甲寅終于家年僅五十有一方屬續時命取新衣易之家人環侍君正襟肅容呼其子曰養吾疾者莫若子婦人退又曰我死謹毋用浮屠法不無是使我不得正其終也嗚呼非賢而能之乎或曰以君之材而不仕以死爲可悼也予曰仲玉之所憾豈此耶古之君子使爲孳孳而後已豈爲利祿計哉曹子曰而今而後予知免夫子張曰君子曰終小人曰死吾今日其庶幾乎夫全而歸之乃可言免無媿而死乃可言終士之終身問學求如是而已曹子躬三省於前而悟一貫於後蓋信乎其免矣子張之仁有所未足其於終也果能無憾乎然則以仲玉之賢而死於布衣仲玉不恨也進道方勤而命弗淑君子蓋

深惜之君名振龍仲玉字也其先自固始入閩五世祖庸輕財樂施長者之稱自是始曾大父某父某雖潛閩不耀克以厚德世其家姚潘氏有賢行子二人曰朴太學生曰裕業進士是年某月日葬君于橫嶼山之原予知仲玉者故為之銘曰 昔未識子于文我評及既識于我懷子傾今者奈何子藏我銘執筆既 然我涕子零嗚呼傷哉

黃雲龍

宋趙儀可青山集墓誌銘 君義城黃氏諱雲龍字君從母劉南城大夫諱良之女弟也以君依外氏教養君亦自力於學家事惟二兄相繼逝君撫其孤室無私財庖糲異饌諸姪繼成立乃取先疇均之使自為業卜築桂川之祖居諱督諸子夜分不寐月書季考責其自試寧不中不求師友潛效為欺以是諸子皆能為儒按察使行部試士或居然類拔明允仁先亦有名鄉校君既歸舊隱日與同味為樂橋中梅下類然天嬉生平不事生業室常罄如然有舊道從不見偏不意或有所求亦無不滿意去見好書雖之絕亦解衣拊之如不可已者性厚重然義所當為浩然不護豪富侵先業眾曰是不可與爭鋒君雅容求直卒得直有犯其

宋藝文類聚卷之六十五

五

高祖登者銳身爭之雖絲比馬怨家璣其虛不悔意所謂勇者與君於醫尤妙解扼病者藥雖深夜叩門應之不倦為產科書板行四方歲飢問程者減直以售惟自恨力不裕所及不廣而已聞葛仙翁煉度可生死人歲亦再行之苟可濟物無不為也晚從方外友將入玉筍山學道而已病然猶手集易傳未半筆絕丁亥正月六日歿曾祖安漸祖令猷游揚誠齋謝民齋門父平妣劉氏妻李氏繼程又繼劉子男三人惟賢成也齊賢友賢明允仁先也孫男一孫女二諸孤以至元己丑十二月丁酉奉柩葬桂川之西園惟賢來請銘銘曰 幼而孤老而不能期願忍然平直埋於斯

黃必達

宋林光朝父軒集埋銘 黃氏子汝嘉讀書城南與其弟汝宅有所請於余曰汝嘉不幸幼孤是時汝嘉未氣汝宅為乳下兒也昨來道旁得尋丈之廬可以葬先生肯為之銘則是若有所待也此葬不為緩一聞是語愴為於余心使列其所從來營道公死於官所有子纔四歲是為用時用時二十九而卒件件自琢削解為場屋語是用時不待父之教汝嘉弟兄又不必用時教之此其愴為於余心者用時要方氏諱必達掩土二十日矣坎之外有尺寸未補得是銘即埋之銘之曰 孟之隸乃卒事謂是銘也其勿毀

黃如愚

宋陳藻集軒集狀誌 蘇田之黃故為別祖蓋自候官黃岸折之而來其後有若叔約有若登者嘗於太學里運有聲稱秋卿諱如愚從漁溪其去蘇田之別為十二世乃將仕郎毗之長嗣子享年五十有八以甲寅之夏歿男女林氏所生少公四歲而其歿也後之五月戊午季冬壬申同坎于東洋之陔嗚呼死之日若水有婦其甥一林廣甫四女以次主家營治嫁禮若有怙恃森與若水修進士業出以意氣自負而入侍其姊妹怡怡如也小人於是乎服公盜誘不通而儲用未匱君子於是乎察友睦天性而亦公之有義方曾祖仲虎祖某前隸廣州節廣推官陳寬女妣林氏後公逝先一旬而合厥考之塋焉銘曰 年 歲六十送母不及旬日有奇兩山峙立魂識往來毋笑前注有之固然散也為

黃雲

宋葉水心集行狀 紹熙五年秋七月庚子黃子由自嘉王府直講為起居郎兼權給事中踰月遷中書舍人兼侍講時國有大喪內禪甫定諸處分尚多草創人心憂恐天子思盡下情博謀群臣於三宮僚尤委信或一日再宣對子由素負直節激發敢言事事有未便常爭

永樂大典卷七十六百五十一

六

論上每為順聽一時甚賴之知子由者不以遭遇為一遽至顯用為子由之身榮而以子由能竭誠不阿補益上初政為國家喜之也冬十月庚寅子由以父喪去職於是知之者又皆痛惜以為天下且假其父之年而令於此時得疾死何耶知子由之父者則又曰不然是翁嘗立寒苦為鄉先生天質疎宕不避就向背教子必自達於義既而後得仕仕不盡其能而死是可痛惜也為得但以子由一時去職為重而痛惜之哉明年子由使其弟田來曰將以慶元二年三月某日葬吾父於吳縣至德鄉觀音山天乎往而不復反也圖以永先人之存詔無窮之哀宜莫如有以述也惟荒蕪連蹙不能次第其辭而以屬於子也若何而可余念去歲臨於重華旦晴報與子由同侍事殿門外一日子由出家信數通偏示諸大夫雪涕曰吾翁官建鄴疾病矣而易月之練方畢家事義不並素何宰相聞之子告往省上時猶在嘉邸大書成齋二字全以賜翁成齋者翁為鄉先生授弟子經時所名也至則翁疾良愈遂奉以來行在及子由入見上先問翁動息曰總幹已無事耶已安樂耶子由頓首謝歸道上語翁歎曰士不過巖棲谷隱姓名淪滅其常也今以蓬門被雲漢之章野人致天帝之問吾為賴寵乎故子由驟用時適多事而翁誨之曰惟苦言可以報國爾親為視

表章。或具草使上之。子由固喜。忠義然。觀翁意。雖有可以回曲。保榮利。亦不顧其子為之也。然則知之者。所以惜子由之去。而哀翁之死。不虛矣。翁死。上遣中使王德謙。賻奉朝幣弔哭。喪運赴於塗。哭於郊。弔於家者。相屬也。且翁父子既違時。貴重而其生死之際。又為時所痛惜。如此。今子由欲永先人之存。詔無窮之哀。是則述之大者。已以首於狀。可也。君諱雲字鼎瑞。吳郡人。世農家。未有仕者。君幼自知學。年十二三。已能授童子書。既冠。入太學。大義益通達。吳中大書會稀。少至君。學益成。後生慕從者。常有百餘人。勤若訪。一變口耳之習。為第有名。多君門下。它師不敢望也。考官戲曰。吾為黃先生取士。爾常微舊宅。將新之。夜半鄰近驚曰。大且作。視之則有光發其楹下。或以告君。君財自若。曰。有是乎。告者益衆。曰。大且作。三矣。君徐起。祝曰。吾及兒子。幸為儒。它日以是試之。可也。未幾。子由以對策言直。得賜第一人。及第。君所對尤切。亦欲以冠。特奏者有不喜。曰。少慧矣。猶實高等。時淳熙八年也。調永州祁陽主簿。簡易廉直。民愛敬之。辟監建康酒庫。人謂君酒。碎務何得自屈。君曰。吾豈以儒者。薄是官。授明坐。燼下治之。適謹。諸司吏薦君。一一使受。至當改官。乃自言老病不願。遂以通直郎致仕。卒。年六十四。妻李氏。有婦道。窮約中能助君為善。再娶劉氏。並贈孺人。

宋史大傳卷七十六百五十一

七

三子。子由長也。名由。為朝散大夫。試中書舍人。兼實錄院同修撰。兼侍講。次申進士。次田。免解進士。女歸。進功郎。台州天台縣主簿。趙汝泌。君坦蕩。不為限級。遇人無新舊。博酒盡歡。財物到手。與親友共嘗之。下田供粥糜而已。而有至性。四歲喪母。鞠於莫氏。其考復聘孫氏。從而室。諸有弟曰茂。君日自莫氏往。奉寧其父母。退而撫茂。風雨不懈也。孫氏又死。君迎父育弟。已之。服其使。茂擇取半為茂。又不振。君復空舍納之。衣食居處無間也。劉氏故適士人。夫死。父高。殯姑老。二女幼。乃改事君。君為葬死者。養老者。經營其女。各有歸焉。有文二十卷。詞詠從容。每指其心而言曰。是方寸地。豈可忽耶。慶元元年九月。日朝請。即試。太府卿總領。准東軍馬錢糧葉某狀。

黃準

宋袁潔齋集行狀。公諱準。字子邁。其先婺州金華人。有仕江

南者。以著作郎宰分寧。樂其土俗。因徙居焉。分寧之四世孫朝。散大夫諱澆。以儒學。奮一門兄弟共學于脩水上。芝莖書院。道義相磨。才華競爽。時人謂之十龍。後登第。者擢奉朝散之長子。曰康州太守。庶有詩名。實生太史氏庭堅。朝散之次子。公之曾大父也。諱廉。熙寧元豐間。屢將使指。體量京東河決。活饑民二十五萬。官至朝散大夫。給事中。贈少師。妣

永樂大典

卷七六五一

楚國夫人劉氏南康高士太子中允漢之女大父諱叔敖政和中將滑湖朔跡廉訪使者李滿之姦于朝黜棘衛陽時論快之紹興中為戶部尚書徽猷閣學士左宣奉大夫贈尹師妣奉國純國夫人皆李氏元配尚書常之女繼室郎中華之女二父俱有盛名東坡蘇公賦詩所謂何人修水上種此一雙玉者是也考諱衛守素永吉三州皆有惠政官朝請大夫贈通奉大夫妣碩人夏氏九江使君倪之女使君之名見江西詩派中公既生長名族而外氏又皆當世聞家耳目所接典刑猶存清標勝韻自然逸群讀書往往成誦落筆無世俗態以通奉公郊恩補將任郎未幾丁外艱執喪以毀瘠聞既即吉哀慕不衰再闋歲始以易試銓曹占高等時戶曹闕尚最近吉倍之公應得筠或言親老且貧不堪淹久幸避我公與之非雅故欣然許之即改注吉軒齊相顧駭曰聞有急近次而爭者矣未聞有避人者未上丁大夫人憂服除主吉之龍泉簿言大邦田租之輸累巨萬計姦弊總總郡徽公莅之始秉吏或密請使令公瞪視之請不置訪其故乃前此有吞其飲器之銅拱于廳所為莫敢孰何者一日復請公數之曰爾謂我不知耶吾恐而不發不欲暴前官之短爾並去無污我遂罷遣之擇慮吏平聚量除常歲多取之虐人情大悅會邑長病不任治劇郡俾兼

永樂大典卷七六五十一

八

領公收長如舊事必咨焉率感悅歲餘以憂去公竟補之葺學宮增弟子貲立程蔡呂先生祠示學者以趨向建梯雲橋民不病涉創大豐陂溉田二萬頃慮其久且廢也買田十畝山九百畝以備修築之費立長若副分番掌之以均工役之勞隄防周密遂為長利侍郎孫公逢吉深歎美之為識其事以諭來者嘗出見民有空舍老嫗卧其下旁無一物屋猶堅壯心疑為使人問故嫗曰兒賈人將鬻此廬以就婦舍嫗弗悉也甘此獨卧公驚歎曰詐有此風耶立遣其二子俱來一窺且瘁一壯而悍者賈人也公曰此豈待考掠而得其情哉欲實之法嫗以天性之愛析免甚苦賈人亦痛自剋責請後不欺公因其機而訓飭之母子於是不駭寺簿劉公清之以比古循吏焉於風教者因贈行述其事於詩以美之再調汀州蓮城令創邑纔六十年介萬山中民俗曠度一語不相能即扶乃相向縣以邑鹽為課北國悍甚稍進呼之群聚登夫石官莫能制公曰豈有具耳目為人而不可以善化者耶乃出版教諭之曰汝內郡良民非居八荒之外者負國若此如王法何令尹甫到官吏有言汝概不輸官物不請色鹽宜一繩以法令尹弗悉是用誨汝其自今盡去舊習輸租以時請鹽以類縣不汝違且率先者實民喜更相語曰令令尹不我棄善教我矣是吾父也父可

擇乎獨何澄者實為首惡公請于郡治之如法自是無梗政者大修學政
 增益棟宇厚給生徒屬尉薛士穎以訓導而時時勉勵之視龍泉有加
 焉士知向風始有與計偕者縣圃有松老而遠理公名之曰義松取先太
 史頌真觀義松之作圖而刻之邑人歌誦謂公德政所召龍泉及是邑皆
 立祠以奉焉改宣教郎知湖州歸安縣近輔劇邑多貴臣大姓素難治平
 心處之既不肯吐剛茹柔以自欺亦不專抑挫扶弱以自異巨室有訟理
 不直而以私請一新以法僧為惡少所証有取財物無以自明立伸其枉
 催科甚寬而信寬故民力可辦信故期會不可違公私兩便足為世法女
 巫游健夫人者誑惑寓公達于官府公判其牒云信巫不信暨此愚俗之
 病永寇右族宜宜洵胥淫祠不毀害民益甚迺杖其人而盡取其土木偶
 投洪流中及其他挾邪術惑民聽者一切蕩刷無遺類巫風遂息既解印
 貧尼其歸儼居郡治之側吳興士大夫敬之不替客或過之曰為邑者幸
 而終更恨去不遠惡人之厲已也今公寓是邑而邦人加敬則必有道矣
 公曰吾滯于此囊無餘貲商宜意得此於若雲之人乎部使者交薦有旨
 堂察尋幹辦諸軍審計司公之為邑也每患民有艱厄力不能贖及是面
 對首言祖宗盛時京師有福田院諸路有廣惠倉愛惜生靈恩深澤厚薄

宋史卷之七十六百五十一

九

乎天淵今州縣煎熬素無餘羨金穀出入悉有成數其或水旱間作疫癘
 流行雖有良吏盡心力而為之所及幾何其非陛下愛養元元之意竊見
 州縣多沒人之產非豪強請佃則形勢侵冒時或鬻之欺弊萬端賄存納
 賄沒成乾沒於公家何補謂宜根括諸路凡未鬻之田與相繼沒入者別
 為一籍許見佃及旁近良民之願耕者各賑其鄉斗斛輸租為歲災之備
 病者有以醫療死者有以葬埋責守俸令丞掌之如常平法時論題之遷
 軍器監主簿轉為丞又遷司農寺丞武臣有部綱無折閱者吏不與批書
 及鈔反以法不得都運抑之公言於是曰上官不容使使下位彼安敢辭
 事幸而集顧以為罪可乎是深然之即日給鈔且為申明使得霑賞時詔
 許百官上封事公言前後臣僚奏陳多切於今日者言而不行行而不允
 雖日有總章之訪無益也不若行其所未行力行其所已行則政治有日
 新之功而太平之基立矣遂太宗正丞滋職之日吏以知宗已施行事請
 同書之公曰官必有屬正欲詳輕重度可否而後白長官行之法也惜不
 知何事而苟為書之可乎且例如此爾公曰審如是一知宗足矣何以承
 為吏不能對自是事必先白備司封郎官朝旨委雜未三十萬經畫有衣
 未三旬而足居數月除大理正兼官仍舊公言故事未有以理官兼他職

着力請補外。除浙西提舉常平茶鹽事。陸解乞取百司省記條付勅令所刪修可行者明著之。令不然者去之。毋存此名。以惠姦吏。上可之。既至官。建請僧牒五百易緡錢四十萬。糶米十七萬有奇。以備歉歲。謂義倉所儲不應混於省倉。則為甲乙層項。給所部日入米若干。謹書而別貯之。毋得使用。謂浙右鹽本不足。貫於亭戶。商人輸錢而後償之。平居無以自給。私鬻者眾。則多方經營。務殖其本。先期給之。謂鹽場關官法許無稱勞無賞。虧有罰。非所以勸。請計其日月推賞與正負等。遂著于令。時陳便宜者或請斷諸港以絕私販。朝廷施行之。公言浙西支流甚衆。小人競利。朝禁暮撤。私鬻未戢。而日治撤防之罪。祇益其擾。命工圖寫曲折力為廟堂言之。乃止。後法不均。民多寘訟。公諭令丞實其物力。高下參以歌從。又近聚廳定差役。有訴不當而果然者。令丞坐之。置東西義所。以收遺骸。創居養院。以處孤老。廢疾仍嚴不舉子之禁。滿歲召為郎中。入見乞增減鹽額。其說曰。鹽課之虧。由未明通變之法而已。因產多寡立額。輕重祖宗之意。夫豈不善。然歲月既久。風濤不常。斥鹵之地亦隨而轉。產有增損。之殊。官守一定之額。故有增於舊而額尚低者。亦有損於舊而額猶高者。低者其額易足。鹽雖有餘。官難強買。往往於私自售高者。其額難及。不足則有罪。私販

永樂大典卷七千六百五十一

十

亦有罪。等罪滿。孰若私販之為利。官課陷失。職比之由。且以浙西言之。臨安嚴門錢塘仁和等處。歲增數及七八分。常受增秩之賞。嘉興之下砂砂腰青村等處。歲虧數及九釐。常受衝替之罰。豈受賞者皆能吏。而被罰者皆庸才。地之所產。今昔不同。而法之通變。或未之思。兩臣愚欲乞行下諸路提監司。取各場歲帳。就與推排十五年內皆增取其中數。立為定額。十五年內皆虧。念其難辦。特與量減。取彼有餘。補此不足。誠為均一。臣又嘗觀江淮守令。亦有如此增減者。若推排無私。陞降得實。則諸場無課額不均之患。官司無賞罰不當之失。遷吏部郎中有以鬻爵得官。授十二年減舉主。改秩者吏得所欲。請與之。公曰。是別有條。欲減舉主。倍其年可也。其精明類此。除樞密院檢詳。諭月無都承旨。時邊事繁興。盜權者欲引公自助。公不然之。遂大與忤。密院施行皆由吏出。公曰。吾豈可復在此位耶。力求去。以為右司郎中。尋將指江瑯。賑濟流徙。至金陵。閱寺觀。中僮尸枕藉。存者僅有餘息。而來者累。未已。公慨然曰。是救焚之時。曾子園河北救災議可行也。先是朝旨。人日給米二升。錢二十。公與留守徐侍郎。詎計之曰。是以勺水救涸轍。可滿頃刻。不可以活。請口多者。月給之。寡者。併兩月。給徐公恐無以繼。公曰。不然。月給之。彼終日饑。仰此為哺。所及。依矣。併與

永樂大典

卷七六五一

之彼得以展轉自營不猶愈乎會副樞丘公崇赴鎮公迎謂之曰好一旦之急將明者之責還定安集之政在副聞矣丘公異其言屏騎從至館寓促膝語甚久公因勸以收集清平等事丘公然之使還屬時更化朝論知公植立之正仍為宰掾嘗白當路四方奏報稽留何以責舉令者今輩下死囚俟報或幾年不下况遠方乎於是公兼左司公念省司繁重日力不逮率以清夜端居靜室秉燭炷香躬閱獄案點榜之曰若有寃當使我心目豁然盡得其情至操擬筆則又曰汝當死矣其信然否取案再閱之猶幸其可生也至事十名教亦不苟貸一婦人欲殺其夫毒所饋美夫未及食他人索之婦不敢言竟以此寃獄上以無意於殺得不死公曰此人之死雖非婦意獨不欲死其夫乎茲不可及之大者卒論殺之遷太府少卿未旬決除中書門下省檢正諸房公事虜始修好以為接待使舊例前期一月被命得以參考故實講求典禮時迺初使且趣行甚急或謂公何以應之曰吾應之以理而已既至都梁兵革始息餓民滿野傾囊中者易銀錢分給之北使踰淮以錫燕撤樂疑不即赴官屬不知所出公諭之曰本朝成肅皇后几筵未撤皇帝未即吉園樂未舉非有他也且北使值國諱日猶不與宴况於國郵重較較然尚何疑乎北使矍然聽命送伴至

承慶大典卷七十一百五十一

十一

京口道千秋橋歸正人之子陳亨者述道疾呼稱歸朝人北使欲與之語未及也北入館將命者以為高言公曰適與中所見一病風狂夫爾驚動信使皇恐官府已懲治之曰非為此也承命而來謂用兵時恐國人有執於南者因令體訪今斯人有歸朝之語故欲面叩之爾公曰此非送伴所敢與聞朝廷盡索北人發遣已竟假有存者拘轄必嚴詎容報出其非俾掠明甚國信必欲見之當以聞于朝獲旨而後可其人語塞求一紙道所以然歸以為驗公令述其事付之詞約指明聞者自屈廟堂加敬愛焉有武臣自陳求路鈴者聞其資歷雖已更數任而居官任職實不過一考公曰此乃以計取朝廷名器者兵鋒可遠得耶並令赴部注合入關錢塘富人錢氏子詣省投例乞書填叔父輸粟軍前所給綾紙同列將從之公不許曰是有可疑他人為請甚力卒不許後一時授官者例以偽獲罪而是子以不書填也獨免除直顯謨閣兩浙轉運判官尋陞副愛惜財物一不輕用惟救民病疖死喪無所靳嘗因護客見悅絳者踏冰雪中深念之及是應辦為置絮衲別給雨具而厚與之糧自都至京口令所部郡邑覓挽路人不知泥滑之苦虜使見亦嗟嘆遣大府卿寺事多隸版曹惟和刺苟專領往持藥物取諸雜貨場不即與直商人憚與官市故藥多闕嗣而求之

永樂大典

卷七六五一

其價轉倍公乃令場吏有所華售者並齎錢請與階未吾面給之商人庸
至率得平直廟堂喜曰使居官者皆如黃卿之為何事不辦每歲頒藥兩
總所至局如中郎官吏供億徒有重費請從本司自遣人至彼索之歸其
直於司朝廷從之天府司農二寺軍器將作監歲久頽毀公建議勿葺而
徒請韓氏故居又遷和劑司與外府新以便檢覈馬輪對稱今兵革重費
之餘朝廷日夜所憂莫急於治財而財所從出未有不取諸民者今日民
力豈可復困要莫如省費一費省則一利積朝廷及州縣冗費皆省則在
在有積矣又言春秋傳記楚子入莒莒以城惡而潰此者襄陽雒陽城守
不可犯全椒儀真珠璣於虜可以為鑿故修城為當今急務而議者必謂
大費非今所堪臣觀漢世役民多取諸有罪者今黥卒布天下用以修築
毋責成於一切而使後人績之秩滿具數奉上自此天下皆堅城矣上施
行之公屢請補外朝廷雖勉聽去而猶未許就開除淮南轉運副使兼
提刑趣之就道加秘閣修撰以寵之北方假提使不時至浮言扇動富商
有束擔理拖而他之者公延治園修橋示以開敞而內謹防托人情按堵
隆冬冰凍千夫撞之僅能移篤公因廵歷疏決有為人誣愬而反繫其父
子者有誣以私販沒入財賄而猶桎梏者有罪不至甚而踰年不決者人

永樂大典卷七六五十一

十二

人聞實又相視某滁陽城遂感寒疾及遷治所積令方新民間閉市公猶
力疾慰安間巷出鐵錢收舊券發倉實平糶價列肆旋復百姓益喜而公
病深矣嘉定四年正月十日竟至大故壽六十有一積階至朝請即誰人
老幼出涕元夕舉市無鼓吹聲運城之民思其遺愛聚哭于所奉祠下而
又奠於臨川此足以知其至誠感人有不可解於心者矣宜人徐氏朝請
大夫鄭之女子三人巧迪功郎監鎮江府都酒務崖將以遺洋補官坡先
六年卒女三人長適修職郎新岳州華容縣尉洪楚先公卒次適從事郎
新袁州宜春縣丞燕季子以適承直郎監池州城下稅務王挺孫男女各
一人諸孤將以七年某月某日奉公之柩葬于撫州臨川縣天堂之麓公
資性為實用心於內不汲汲於榮祿初試吏時侍郎劉公穎持節江介詠
公達意於帥樞王公簡同薦其才公耻自媒而上後為列院參政妻公時
為同舍見公造請希淵深愛重焉及丞或監同列有貴家子阿附權要語
公曰人之所趨不得不趨第倪首一見美官立可得公正色曰君可往某
則不可觀風浙右之日有蘇師孟者黃鰥師且補官占一卒養私焉於官
庭公曰是秋滿耶汝人之黥其黨親為吏而犯法者師且雖舍怒公弗顧
也方群陰用事則介然自持及公道復開亦怡然無愧名流以是推之每

謂公若不限以科第，豈容我輩獨在臺閣。公曰：既令某以科第進，亦必不在臺閣。居朝列十三年，循序而陞，未始超越。故制詞有云：安於平進，澹然無營。起居王舍人，介稱其明白洞達，禮部倪尚書思以先太史勉之，深感其言。服膺無數，謂子弟曰：先太史名播海內，而官不過真郎位，不過著作。今吾德業未充，而祿位過之，豈不有愧。汝等但宜篤志力學，毋更求過人。於後庸，其有定分者，分寸不可曠枉。尺直尋，徒喪所守。爾公之立身垂訓，大槩若此。尤隆於友愛，兄將效官夷陵，未至而沒於荆南。子幼喪，不能歸，公馳赴之。經大澤中，逢失道，問關久之，始得草廬宿焉。或告曰：虎方食人，而去，溯於殆矣。而無他虞。若有相之者，既達江陵，復走數百里，從親舊，既貸諸公多其誼，手餽之，躬護旅櫬，挈其家而歸。既畢，寔寔於助昏嫁，族黨姻戚，急難之際，解囊孤獨之家，分俸給之。有指數百金者，家厥山谷，與族弟靖天判官帖謂吾濟所以承冠而仕者，豈已力哉。昔高曾以來，積業所致，中和之氣，偶在此一枝，爾其實相去不遠。每過馬鞍墳，未嘗不慟汗也。常誦斯語而敬行之。又摘沖和二字，求東宮大書，以名其室。攻愧夢致樓公記之。平生不治產業，惟法書名畫古器物是好。一日得山谷帖數十卷，直千金，傾囊而償之。對客卷舒，津津喜見眉睫。曰：吾不貧矣。又樂與名勝

永樂大典卷七十六百五十一

十三

燕集，不計費。故其家屢空。士人或獻詩云：官大屢持節，家貧猶典衣。公曰：此子善形容。我者家藏書餘萬卷，縱觀博求，苟片言有可取，亦誦味不休。詩律字體，大略祖述山谷，而時出新意，自成一家。大字尤奇壯。東宮欲見之，書中庸大學以獻。既覽之，喜錫賚甚厚。其所稱舉，皆當世佳士。中書舍人陳公希憲嘗稱仁和丞老成練達，為表薦。既許之矣，會陳公卒，有欲揀之者，公曰：吾豈可以生死貳其心哉。卒如初議。風規秀整，進止安詳。朝會立大廷中，紳綬屬目，嘗於夢寐中與神人問答，皆達生語。其少也，夢游大官府，丹碧晃耀，與塵世殊。金書淮南二大字，高揭其上。戊辰之歲，護客維揚，仰視所揭，適與夢符。歎曰：人生萬事，莫非前定。今日駢馳王事，乃兆於四十年前之夢，信不偶然。將漕于淮，竟此易箴，是豈真有數耶。年不配德，飛不盡翰，賢士大夫皆傷惜之。雜著二十卷，介軒詩詞三十卷，藏于家。某頃克有樞屬，公為檢正，率數日一見，見即傾倒，磨切講貫之益深。與此心後官臨川，二子護喪還里，追念曠昔，令人實涕。二子屬狀其行，願惟荒陋，未敢許。算有日，不遠千里，走介遺書。具公行已居官本末甚悉，重以為請，乃為之舉括而教授之。予以求銘，必有能發輝感美者，謹狀。

黃濟叔

宋年嶽陵陽某行狀 先生姓黃氏諱某字濟叔隆州井研人其先自金華入蜀子孫散居邛資隆三郡而隆之族為大四世祖遷登元祐三年進士第元符中以選人上書詆時事名在實籍曾祖考時敏三冠里選寄著易通六經釋疑疏為博學祖考順卿與兄朝卿同舉于鄉里中稱雙鳳朝卿後登紹興二十一年進士乙科為青神宰考子說性剛介青神當磨勘朝奉郎告且下而卒無子或謂君宜亟圖之庶幾賞延者君正色持不可人為難曾祖妣陳氏祖妣喻氏妣王氏先生生於慶元丁巳嘗覽書十九喪父哀毀柴立克喪即負笈游蜀學成都石室羣四方士始萬數先生試轉上游已而歎曰是不足為吾學歸閉戶窮經貧益甚學益苦從之遊者日益眾普慈素多士歲率以夏秋之間為講會生阜比者皆宿學大師士不憚糲糧往聽先生持所見與之相叩擊連柱五鹿君會下疎昨早游秀巖東窻二亭先生之門而某之大父雪溪公先人存齋公尤敬之奉書幣延致家塾先生以師道自處誨諸生有法每講誦過夜分未嘗假以詞色諸生一笑語稍詳一步趨稍異一容止稍慢先生輒厲聲呵責之人謂其先生弟足過也大父即世與先人俱東流落阨窮有不堪其憂者二老方相與綉緙經傳攷訂同異以不足

日為事其後先生家于吳書問往還無虛時歲或一再過先人留輒累月子弟奉中履侍左右不敢怠與先人道同志合每相規以正先人立朝議論或抵忤先生輒喜聞其得請去尤喜諸賢聞先生行誼皆願交退庵吳公朔齋劉公雙溪李公前後交聘先生獨從朔齋雙溪而於朔齋尤大朔齋以文墨稱一時往往質先生而後出先人守當塗先生已倦游強以往凡書翰墨以煩先生嘗建小學屬先生為之規約甚備先人得罪權貴人歸則苦雪先生亦杜門教子不復出先生連蹇名場淳祐癸卯甫薦江東景定壬戌以累舉當入對諸老力勸之行會有旨縣學皆設官職教跡郡博士先生得主慶元昌國縣學昌國居海中洲學雖具而無教法先生首以白鹿洞規從事升堂講學記一則使學者先知學之所以悞與其所以學之序自是朔旦輒講反覆推盡不為空言學者翕然以得師為幸聞復嚴課試歲終則校分而升黜之學廉舊縣令持簿書願拜屬先生先生力却之母慮十數反曰君任養吾任教母相敬可也令不能強始至無所食有夫容洲屋僅三楹上而旁風先生請于縣捐奉撤而新之復增堂皇公居以為來者利一不以擾縣家丞相西礪先生葉公時在郵聞得先生講義大加歎賞即書其楹曰學問深醇講說明暢堪充經術精通可備講讀

科。且將及春而舉之會先生解去帑及用成淳以舉恩循備職卽再調台
州寧海縣丞。丞廳成僅役錢萬闕于九萬有奇。人逆憚莫敢向。妻更聊構
弊益滋。積逋如山。而諸吏攬上戶相乘。裏不可問。甚者去其籍。先生究知
其病力。乃條畫詣郡白之。且曰。州縣母子相依。痛癢相關。盡立定期。毋專
弄乎母。徒因其子。守戴侯。伺一始見。輒握手論文。如舊相識。留之幕府。先
生力懇。遂曰。丞雖卑。吾職也。敢曠官乎。侯益敬歎。先生所請悉行之。至邑
則戶等一青冊。使有鈔者銷。無者納。未幾。負者畢輸。解新補。舊不督而純。
下戶預借之弊。盡革。先生初與二御家。公同寓吳幅中。短褐日相從。蕭寺。
公性高簡。不可一世士。獨敬先生。二子順山。坤翁。則堂。鉉翁。因與先生厚。
至是。則堂提點本路刑獄。首問先生所在。妻羅致。不就。舉以闕。升應詔。薦
士。復以先生為首。曰。學有淵源。文有指法。持論聖正。制行潔清。早登西州。
諸老之門。獨擅汝南。且評之譽。蔚為人物之表。宜備師儒之官。其相推重。
如此。趙侯子寅。求為守。未識面。亦以所知。舉先生。寧海為業。公通德里。公
角巾還第。先生候之郊。洞公猶不忘。昌時一見。喜甚。摘賞贊文。警語再三。
聞語其鄉人。以先生學問。操履。稱之。不容口。迨解歸。公復貽書。中朝相料
理。而先生已無意榮進矣。邁趙則堂。力要權檢法官。先生亦為之盡心。獻

議務得其情。使者出循部。先生留司吏。抱成案。促詳覆。驛致行司。日不下
十數。積先生剖折。詳明。傳以經義。多所平反。壬申。秋。則堂召而某。繼之。辭
不獲命。先生知某當來。趣為裝。將歸。某亟書。乃少留。願受教。先生曰。子以
一致之性。處群物之會。吾為子懼。雖然。勉之。無負所學。時雲巖先生洪公。
起帥。越兼度事。雅知先生。辟茶鹽司。準備差遣。幕府省文。書日與同寮。賦
詩飲酒。為樂。退輒掩關。饋問不通。門無雜賓。郡有西漢書板。脫誤踏差。幾
不可讀。先生欲白府。刊正之。適洪公以真文忠所編文章。正宗為先生校。
雖先生曰。是吾志也。乃并漢書白之。即倉司置。司字字參訂。雖盛夏。暑弗置。
所釐正業。已具。未刻梓。先生忽感風眩。謁告。少間。猶自力。擬文。積閱書策。
應人事。如它時。時先生二子。請舉江東。未還。某往省先生。使人逆。非之。因
屬先生之姻。楊君明。復晝夜視先生。先生謝醫。却藥。曰。吾無所苦也。一日。
與楊君坐語。至暮。忽痰薄。咽間。疾復作。竟終于官。之正寢。癸酉九月乙酉。
也。某以諸生。實制服。受吊。洪公尤嗟惜。贈特厚。且經紀歸。其喪。先生性
靜。專於書。無所不讀。一再過。則終身不忘。尤粹於經。格言要義。往往皆成。
誦。講明義理。居多。自得其大旨。率本伊洛。而諸儒之說。亦皆參攷。互釋貫。
穿。融液。以會其歸。義有未安者。未嘗苟同。頗為改易。其於象數制度名物。

永樂大典

卷七六五

口講手畫繁然可觀以至訓詁義疏一語之疑一字之誤人所不經意者先生言之甚精倫類傳通本末該貫世之號為儒者未之能及也每嘆學者好高鶩遠躐等陵節之病故其教人必以敦知格物為先而主之以教使人靜坐收斂心身整齊莊肅曰不知此無下手處平居寡言及講學則樂於開導誘掖考引曲譬疊疊不倦其詞氣反益寬平真得講師三昧雖過時而學者皆言下有省先生制行甚謹如蹈規矩如奉圭璧終日兢兢未嘗見有燕惰之色不欺暗室不媿屋漏先生有為感如之教行於家方嚴不可犯然其中洞然無城府處事接物一出於誠與人交焉至周盡終始無間人有片善寸長不啻如自己出逢人輒稱道不置聞言人之惡則掩耳避去尤謹於禮篤老不廢雖童幼亦與焉酬對不少忽不求人之知而人自知之於其知之者亦介然自處不可親疎言不及利徧游諸老而貧自若環堵蕭然無俗石儲不顧也所居必痛掃溉一室欽蘭菊列圖史布水蔬食其間以名教自樂不知歲年之徂學成行尊朋友信之鄉閭化之公卿大夫敬之不得已而仕白首下位不沮不戚惟職業是勤蓋有為來田委吏不卑小官之意然明練通達宿於其官者所不如故所至有去思其於大根據淵源力闢以肆大抵取諸胸中而書之凡鈞章棘句巧

永樂大典卷七六五

十六

擊悅而窘遺幅者先生所不為詩則薄晚唐尚王蘇精深華健得騷雅意與大父先人暨朔齋諸老倡酬聯軸筆法尤過勁逸歐柳真之名帖中莫辨也為金石文者以不得先生書為憾如岷峨樓記喻隱居墓碣大白祠堂記黃庭經等書皆盡其妙乎寶藏之晚自號博卷老人有論語幼學說易集傳詩會解漢晉史節通鑑類名物度數性理指南信筆錄等書皆蠅頭細字每帙不下十數策藏於家始先生逾四十不娶大父以孫明復辭康節之事感之娶史氏有元元一之孫子男四人文壽起潛待省進士黃中為外祖喻氏後皆力學能文詞世其家良老早夭女三人長早卒次在室次適進士王佐材先二年卒孫男三人見心奎壽晦老皆夭孫女三人其孤將以甲戌十月庚午奉先生柩葬于平江吳縣至德鄉鳳凰山之坤原嗚呼先生師道之立經學之粹如胡翼之孫明復使其稍進于時必能助成主德有補世道而位不配其德用不究其學貴志以致其所就僅如此可勝痛哉某卅角受學先生先生視之如子耳提面命以至成人雖不敢自謂有得於先生之萬一猶庶幾未死之年日間師訓以不為小人之歸罪意一旦梁壞山頽嗚呼已矣無可復言矣罔極之恩其何以報矣悲難餘生意氣頓落方為門墻羞其可能論次先生之平生而先生遺意

誼不得辭顧其日薄過故言行大畧著于篇他尚多所遺無以發先生
道德之精蘊此則其之罪也立言君子儻矜而賜之銘尚有取於斯焉

黃世永

宋楊誠齋集系辭 乾道乙酉秋七月予因謁辨先生武
岡史君璿公公曰予之友黃世永者死矣世永之父元授

得州南雄六月某日世永自行都侍南雄公西歸至青溪逆旅南雄公疾
不起後一日世永亦卒或曰皆賜也或曰世永毀也予聞之心折泣且疑
後月餘得中書舍人周公予克與友生胡季永書與武岡公之言不異於
是哭之盡哀世永名文昌南豐人自其祖至世永三世策進士第而世永
策第時年最少蓋生二十有一也初主頓之輔縣簿予時為州戶掾予之
來去後於世永者一年而為察者三年一見即定交世永之高遠深博者
予不能竟也其學以不媿屋漏為宗於文無所不能無所不工嘗笑立
成者也予每往觀其政則見老穉業於室莫不見世永也故而八則世永執
筆決遣如飛前者未出後者入夜分乃已世永不煩民亦不索吏亦不欺
初以為世永勤且嚴然旋觀三年如初之觀竟不見其呵一民笞一吏勤
者亦解嚴者亦窮矣世永果動且嚴者耶紹興戊寅三月世永白太守去
出城五十里不得行田里之民環而止之者數十百人曰主簿去我代下

宋史卷之六

十七

可生與相與執與折山花以簪世永持濁醪以觴世永而其老者五六十
人疾走頓之憲臺列辭以乞留司憲御史黃公無以遣則好謂之曰汝不
愛黃主簿乎皆怒曰否曰留而塞與去而通孰愛孰不愛已而皆曰然不
得已泣而散予時親見此事以為今之守令罷則先期戒吏民以財其鞅
此足榮不足榮耶以今之欺而謂古皆然若世永於新之民乃有此古之
所書則鞅云者又矣乎使予之不信也使予無所不信於古之云者世永
哉雖然予於世永之事親見者也古之書者又不知其親見否耶未幾浙
水西郵使者郡公辟世永秀州崇德縣令時某令者待崇德次三年矣適
及期而辟書下世永抗章力辭士大夫義之或者曰矯也見義則不懦於
避見利則勇於不避此或者之所賢也世永得辭其矯哉世永在都下未
調勢家子有階中人得法從者莖諫相視不怪世永袖文書謁御史朱其
姓者責以天下公議御史怒未有以登也會中書舍人張公安國聞世永
之風而悅之曰天下乃有此士即薦於朝得召世永辭為而御史亦言於
先亮曰黃某沽名躁進世永自是僊蹇江淮間上之二年冬十二月以人
望起故大丞相魏國張公於督府而再相之公至首薦世永授樞密院編
脩官未赴公為羣小擠去而世永亦復論罷今二年矣而遂死耶嗟乎哀

武世永年止三十有八而官止左從政郎而其立已如此選其年享其位以訖其施其立何如哉雖然壽且貴而莫之有立有立而莫之壽且貴政使世永自擇宜何擇也然則世永可無憾矣而予猶哀之耶嗟乎才珍於天而捐於人厚一邑而薄天下吾意當世君子之用心不宜有此也不宜有而有焉則予之哀獨為吾世永哉乃書以寄其子樞而為之辭曰 聖門降天而不可違予子聚糧以疾趨古文煥而哇鄭予子獨進而雅諸衆皆賞其操而遺其策予知全者不在予仕者謂賴民之篤予不啻妹邦之夫何予之仁以荏予若膝下之乳雖予惟予之觀予則未知封屋之迂沐猴勇而罔覲予子髮上而衡肘舍己踪進而謂子踪進予宜不曰沽名之非意世切齒於彼之晚實予涕涕於予之不晚俎腐知天之不予祉予不辱彼之辜惟師友之恩紀予一飯而九其吁天不予集而辱予朋予半其濟而亡艦決汝漢而東之予曾足為予淚之餘君子之死而不死予不亦名星日而

膏幽墟

永樂大典卷之七千六百五十一

永樂大典卷七千六百五十一

十八

重錄總校官侍郎臣高拱

學士臣明上蒙

分校官編修臣孫乾

書寫儒士臣王以武

圖點監生臣林氏表

臣翁嘉言